

SEDMIČNI PREGLED AKTIVNOSTI SUDA BIH

Odjel I, II i III

(1. – 5. augusta 2022.)

Petak, 29.7.2022. godine

- Sud Bosne i Hercegovine potvrdio je **20.7.2022.** godine optužnicu u predmetu **Benjamin Spahović i dr. (S1 2 K 041638 22 Ko)** koja optužene tereti da su počinili: optuženi **Benjamin Spahović** – krivično djelo udruživanje radi činjenja krivičnih djela iz člana 249. stav 1. Krivičnog zakona BiH (KZBiH) u vezi s krivičnim djelom krivotvorenje novca iz člana 205. stav 1. KZBiH, a optuženi **Jahja Lokmić** i **Anja Zovko** krivično djelo udruživanje radi činjenja krivičnih djela iz člana 249. stav 2. u vezi s krivičnim djelom krivotvorenje novca iz člana 205. stav 1. KZBiH, a sve u vezi s članom 54. istog Zakona.
- Sud BiH, nakon održanog ročišta za razmatranje prijedloga Tužilaštva Bosne i Hercegovine za produženje mjera zabrane nakon potvrđivanja optužnice, u predmetu **Benjamin Spahović i dr. (S1 2 K 041638 22 Ko)** donio je **29.7.2022.** rješenje kojim je prihvaćen prijedlog Tužilaštva BiH te je prema optuženom **Benjaminu Spahoviću** produžena mjera zabrane putovanja iz člana 126. stav 2. Zakona o krivičnom postupku BiH (ZKPBiH). Optuženom je zabranjeno putovanje van granica BiH, a u cilju izvršenja ove mjere od optuženog se privremeno oduzimaju sve važeće putne isprave kao i drugi dokumenti koji mogu poslužiti u navedenu svrhu, te mu je zabranjen prelazak državne granice uz korištenje lične karte kao i drugih dokumenata koje mogu poslužiti u navedenu svrhu. Ukinuta je mjera zabrane sastajanja s određenim osobama iz člana 126.a stav 1. tačka c) ZKPBiH kojom je optuženom zabranjen svaki vid sastajanja i kontaktiranja sa svjedocima Tužilaštva BiH kao i međusobno sastajanje i bilo koji vid komunikacije sa saosumnjicima u ovom predmetu i približavanje istima na udaljenosti od 200 m. Prema optuženim **Jahiji Lokmiću** i **Anji Zovko** ukinuta je mjera zabrane sastajanja s određenim osobama iz člana 126.a stav 1. tačka c) ZKPBiH kojom je optuženim zabranjeno međusobno sastajanje, posredno ili neposredno, kao i sastajanje sa svjedocima Tužilaštva BiH čija imena su navedena u prijedlogu Tužilaštva za određivanje i produženje mjere pritvora prema tada osumnjičenim uključujući i približavanje istima na udaljenosti ispod 200 m. Mjere zabrane mogu trajati dok postoji potreba, a najduže do pravomoćnosti presude ako osobi nije izrečena kazna zatvora i najkasnije do upućivanja na izdržavanje kazne ako je osobi izrečena kazna zatvora, odnosno do drugačije odluke Suda. Kontrola opravdanost mjera vršit će se svaka dva mjeseca, a optuženi su posebno upozoreni da im može biti određen pritvor ukoliko ne budu postupali u skladu s nametnutim mjerama.

- Sud BiH donio je **28.7.2022.** godine rješenje u predmetu **Zijad Srabović i dr. (S1 1 K 021677 19 Kri)** kojim je prema optuženim **Zijadu Sraboviću, Refiku Morankiću, Ahmetu Bajriću, Abidu Arapčiću, Senaidu Čosiću, Pašagi Čajiću, Samiru Džambiću i Mirsadu Žiliću** ukinuta mjera zabrane sastajanja s određenim osobama iz člana 126.a stav 1. tačka c) ZKPBiH određena rješenjem Suda BiH od 8.2.2019. godine (u odnosu na optuženog **Mirsada Žilića** – određena rješenjem od 28.3.2019. godine).
- Sud BiH održao je ročište **31.7.2022.** godine u postupku izručenja potraživanog **Zorana Lazića (S1 3 K 043312 22 Eks)** po međunarodnoj difuznoj potjernici NCB Interpola Zagreb, Republika Hrvatska, u cilju lišenja slobode potraživanog i njegovog izručenja pravosudnim organima Hrvatske, te izvršenja kazne zatvora u trajanju od sedam (7) mjeseci po nalogu za hapšenje od 28.9.2021. godine koji je izdao Županijski sud u Varaždinu. Odlučujući o zahtjevu za privremeno lišenje slobode potraživanog, na osnovu člana 37. u vezi s članovima 52. i 39. Zakona o međunarodnoj pravnoj pomoći u krivičnim stvarima, nakon održanog ročišta, Sud je **31.7.2022.** godine donio rješenje kojim je potraživanom **Zoranu Laziću** odredio ekstradicioni pritvor. Pritvor prema ovom rješenju može trajati do izvršenja odluke o izručenju ili do nove odluke Suda, ali najduže šest mjeseci računajući od dana lišenja slobode potraživanog, odnosno do 30.1.2023. godine.
- Sud BiH održao je ročište u postupku izručenja potraživanog **Dejana Rovčanina (S1 3 K 043309 22 Eks)** po međunarodnoj difuznoj potjernici NCB Interpola Podgorica, Crna Gora, od 23.8.2019. godine, odnosno NCB Interpola Sarajevo od 29.7.2022. godine. Odlučujući o zahtjevu za privremeno lišenje slobode potraživanog, na osnovu člana 37. u vezi s članovima 52. i 39. Zakona o međunarodnoj pravnoj pomoći u krivičnim stvarima, nakon održanog ročišta, Sud je **29.7.2022.** godine donio rješenje kojim je potraživanom **Dejanu Rovčaninu** odredio ekstradicioni pritvor. Pritvor prema ovom rješenju može trajati do izvršenja odluke o izručenju ili do nove odluke ovog Suda, ali najduže šest mjeseci računajući od dana lišenja slobode, odnosno do 29.1.2023. godine.
- Apelaciono vijeće Suda BiH donijelo je **6.6.2022.** godine odluku u predmetu **Malko Koroman (S1 1 K 033743 19 Krž)** kojom je odbijena žalba Tužilaštva BiH, izjavljena protiv presude Suda BiH od 24.1.2022. godine, te je potvrđena prvostepena presuda Suda BiH od 24.1.2022. godine kojom je optuženi **Malko Koroman** oslobođen optužbe da je počinio krivično djelo zločini protiv čovječnosti iz člana 172. stav 1. tačka h) KZBiH u vezi s članom 180. stav 1. KZBiH.
- Sud BiH potvrdio je **22.7.2022.** godine optužnicu u predmetu **Goran Dimitrić i dr. (S1 2 K 043231 22 Ko)** koja optužene **Gorana Dimitrića i Milenu Dimitrić** tereti da su počinili krivično djelo nedozvoljeno skladištenje robe iz člana 210.b stav 1. i 2. KZBiH, a u vezi s članom 29. KZBiH.

- Sud BiH potvrdio je **28.7.2022.** godine optužnicu u predmetu **Amel Velić i dr. (S1 2 K 041208 22 Ko)** koju je zaprimio 22.7.2022. godine zajedno sa sporazumom o priznanju krivnje. Optužnica terete optužene **Amela Velića i Amera Velića** da su počinili krivično djelo nedopuštena trgovina iz člana 212. stav 1. KZBiH u vezi s članom 29. KZBiH.

PONEDJELJAK, 1. augusta 2022. godine

Nije bilo suđenja.

UTORAK, 2. augusta 2022. godine

- Sud BiH održao je ročište **2.8.2022.** godine u predmetu **David Jović – Ben Ari Michael David (S1 3 K 043092 22 Eks 3)** u postupku pružanja međunarodne pravne pomoći u krivičnim stvarima i to izručenja potraživanog **Davidu Joviću** po međunarodnoj crvenoj potjernici NCB Interpola Jerusalem, Izrael, od 10.6.2021. godine, odnosno NCB Interpola Sarajevo od 4.10.2021. godine u cilju vođenja krivičnog postupka zbog postojanja sumnje da je počinio krivična djela zabrana pranja novca pod odjeljkom 3.a) Zakona o zabrani pranja novca Izraela 5760-2000 i dr. Odlučujući o prijedlogu Tužilaštva BiH za određivanje ekstradicionog pritvora, Sud je, nakon održanog ročišta, a na osnovu članova 39. stav 1. i 3. Zakona o međunarodnoj pravnoj pomoći u krivičnim stvarima **2.8.2022.** godine donio rješenje kojim je potraživanom ukinuo privremeni pritvor određen rješenjem Suda BiH od 12.7.2022. godine koje je preinačeno rješenjem od 22.7.2022. godine. Istovremeno je potraživanom određen ekstradicioni pritvor zbog opasnosti da bi boravkom na slobodi mogao izbjeći postupak izručenja ili provođenja izručenja u smislu člana 39. stav 1. tačka a) Zakona o međunarodnoj pravnoj pomoći u krivičnim stvarima. Pritvor prema ovom rješenju može trajati do izvršenja odluke o izručenju ili do nove odluke Suda, ali najduže šest mjeseci računajući od dana pritvaranja, odnosno do 24.12.2022. godine.

PREDMET	SUDIJAVIJEĆE	ROČIŠTE
Odjel II Mišo Miljanić i dr. S1 2 K 040651 22 Krn	<i>Enida Hadžiomerović</i>	Ročište povodom prijedloga Tužilaštva BiH za određivanje mjera zabrane
Odjel III David Jović – Ben Ari Michael David S1 3 K 043092 22 Eks	<i>Biljana Ćuković</i>	Ročište povodom prijedloga Tužilaštva BiH za određivanje mjere pritvora

SRIJEDA, 3. augusta 2022. godine

- Sud BiH u postupku izručenja potraživanog **Mirze Softića (S1 3 K 038730 22 Eks 3)** po međunarodnoj crvenoj potjernici NCB Podgorica, Republika Crna Gora, odnosno NCB Interpola Sarajevo, radi izvršenja pravomoćno izrečene kazne u trajanju od šest (6) mjeseci zbog počinjenog krivičnog djela omogućavanje uživanja opojnih droga iz člana 301. tačka 2. u vezi s tačkom 1. Krivičnog zakona Republike Crne Gore, odlučujući po službenoj dužnosti o daljem trajanju mjera zabrane prema potraživanom, na osnovu člana 163. u vezi s članom 123. stav 3. ZKPBiH, donio je **3.8.2022.** godine rješenje kojim su potraživanom **Mirzi Softiću** ukinute mjere zabrane određene rješenjem Suda BiH od 19.11.2020. godine i to: **zabrana napuštanja boravišta i zabrana putovanja**, iz člana 126. stav 1. i 2. ZKPBiH i **obaveza povremenog javljanja nadležnom državnom organu** iz člana 126.a stav 1. tačka d) ZKPBiH.

PREDMET	SUDIJA/VIJEĆE	ROČIŠTE
Odjel II Blaženko Rašević i dr. S1 2 K 041197 21 Krn	<i>Enida Hadžomerović</i>	Ročište povodom prijedloga Tužilaštva BiH za određivanje pritvora

ČETVRTAK, 4. augusta 2022. godine

PREDMET	SUDIJA/VIJEĆE	ROČIŠTE
Odjel III Dijana Đakić S1 3 K 043178 22 Kps	<i>Enida Hadžomerović</i>	Odgoda ročišta kako bi stranke zaključile novi sporazum

PETAK, 5. augusta 2022. godine

PREDMET	SUDIJA/VIJEĆE	ROČIŠTE
Odjel III Aleksandar Vukosavljević S1 3 K 043111 22 Eks	<i>Biljana Ćuković</i>	Ročište povodom prijedloga Tužilaštva BiH za određivanje ekstradicionog pritvora
Odjel III Željko Kukec S1 3 K 043326 22 Kpp	<i>Enida Hadžomerović</i>	Ročište povodom prijedloga Tužilaštva BiH za određivanje pritvora

NAJAVE ZA NAREDNU SEMMICU

Za ponedjeljak, 8. augusta 2022.

- **Semir Trebinjac (S1 3 K 040783 22 K)** – razmatranje sporazuma o priznanju krivnje, 09:00, sudnica 8.

Za utorak, 9. augusta 2022.

- **Hikmeta Zulić i dr. (S1 2 K 033242 22 K)** – početak glavnog pretresa, 09:00 sati, sudnica 7.
- **Stanko Josipović S1 3 K 042205 22 Kps** – izjašnjenje o krivnji, 09:00, sudnica 9.

STATISTIKE

ODJELJENJE ZA PODRŠKU SVJEDOCIMA		
Odjel	Broj predmeta	Broj svjedoka
Ratni zločini	0	0
Organizirani kriminal	0	0
Opći kriminal	0	0

Broj održanih ročišta u sudnicama 1-9	7
Broj zahtjeva za izdavanje AV materijala (Odjeljenje za informiranje javnosti)	0

Želite li biti uključeni na popis primatelja najnovijih obavijesti Suda BiH ili izbrisani s njega, molimo vas da pošaljete e-mail na: PIOS@sudbih.gov.ba,
www.sudbih.gov.ba